

virkest, afkastamest og samfelldust svo að sem mestur fjöldi iðkenda geti notið íþróttar og baða.

Við afnot og útlán leggi þeir til grundvallar skiptingu salar, búnings- og baðklefa í þriðjung af heildarými. Við ákvörðun leigugjalds og kostnaðarskiptingu vegna skólaafnota, sem og annarra afnota sé til viðmiðunar sem eining þriðjungur heildarýmis og tilheyrandi húsrými.

5. gr.

Greiðslur á kostnaði við rekstur hússins fari fram í skrifstofu bæjarsjóðs, svo og bókhald. Engir reikningar greiðist nema forstöðumaður Íþróttamiðstöðvarinnar hafi staðfest þá.

6. gr.

Rekstrarárið er almannaksárið og skal rekstrarreikningur Íþróttamiðstöðvarinnar birtur með ársreikningum bæjarsjóðs og endurskoðast af endurskoðendum hans.

7. gr.

Rísi ágreiningur um skilning á ákvæðum þessara reglugerðar sker menntamálaráðuneytið úr.

8. gr.

Reglugerð þessi er staðfest samkvæmt 10. gr. íþróttalaga nr. 49 7. apríl 1956, sbr. 29. gr. laga um grunnskóla nr. 63/1974 og öðlast þegar gildi.

Í menntamálaráðuneytinu, 30. september 1977.

Vilhjálmur Hjálmarsson.

Birgir Thorlacius.

SAMÞYKKT

um hundahald í Seyðisfjarðarkaupstað.

1. gr.

Hundahald í Seyðisfjarðarkaupstað sæti eftirfarandi takmörkunum:

- a) Eigandi skal án tafar láta skrá hund sinn á bæjarskrifstofu. Við skráningu fær eigandi hunds afhenta merkta plötu, sem ætíð skal vera um háls hundsins. Við skráningu skal hundeigandi undirrita yfirlýsingu um að hann skuli í einu og öllu fara með hund sinn eftir fyrirmælum samþykktar þessarar eins og hún er nú og síðar verður breytt.
- b) Eiganda er skylt að kaupa ábyrgðartryggingu hjá viðurkenndu váttryggingarfélagi, þannig að tryggt sé, að tryggingin taki til alls tjóns, sem hundur kann að valda án nokkurra óeðlilegra skilyrða að mati bæjarstjórnar.
- c) Óheimilt er með öllu að láta hunda ganga lausa, nema smalahunda á þeim tíma, er þeir eru sannanlega notaðir við smalamennsku, svo og minnkahunda, dýrahunda og sporhunda, þegar þeir eru að störfum í gæslu eiganda eða umráðamanna. Alla aðra hunda skal hafa í tryggju haldi, en heimilt er að hafa þá í taumi úti við í fylgd með manni, er hefur fullt vald yfir þeim. Eigi er heimilt að hafa með sér hunda, þó í taumi séu, inn í skólahús, almennar skrifstofur, samkomuhús eða verslanir, svo og starfsstöðvar hverju nafni sem nefnast, þar sem úrvinnsla, meðferð eða geymsla matvæla á sér stað.

d) Hundaeigendum er skylt að sjá svo um, að hundar raski eigi ró manna eða verði mönnum til óþæginda.

Skilyrði fyrir hundahaldi í sambýlishúsum er að allir íbúðaeigendur samþykki slíkt og skal leggja fram skriflegt samþykki þar um við skráningu hunds, er gildi þar til bæjarstjóra berst skrifleg afturköllun frá einhverjum íbúðareiganda.

e) Til að standa straum af kostnaði bæjarsjóðs af skráningu og eftirliti með hundum í bænum, skal hver hundeigandi greiða árlegt gjald til bæjarsjóðs. Gjaldið greiðist fyrirfram við skráningu hundsins til næstkomandi júlímánaðar og síðar árlega 1. júlí fyrir eitt ár í senn.

Bæjarstjórn ákveður fjárhæð gjaldsins og er henni heimilt að ákveða gjaldið lægra fyrir nauðsynlega minkahunda, dýrhunda, sporhunda og smalahunda. Af hundum, sem blindir menn og öryrkjar þurfa á að halda vegna fötlunar sinnar, skal ekkert gjald greiða. Við greiðslu gjalds þessa ber hundeiganda að sýna fullgild skilríki fyrir greiðslu váttryggingargjalds samkv. b-lið þessarar greinar, váttryggingarskírteini, vottorð dýralæknis um að hundur sé ekki haldinn smitandi sjúkdómi og hafi verið breinsaður af bandormum, svo og önnur skilríki er máli skipta samkv. lögum um hundahald og varnir gegn sullaveiki svo og fyrir-mælum, sem heilbrigðisnefnd setur varðandi hunda.

2. gr.

Fyrir minni háttar brot á samþykkt þessari skal hundeigandi sæta skriflegri áminningu og greiða allan kostnað, er leiðir af brotinu. Ef um ítrekað brot er að ræða eða meiri háttar brot, hefur hundeigandi fyrirgert rétti sínum til að halda hund í Seyðisfjarðarkaupstað. Skal hann gjalda allan kostnað vegna brotsins og afhenda hund sinn eða hunda til lögreglu sem síðan ákveður hvað gert skuli við hundinn.

3. gr.

Hundar úr aðliggjandi sveitum, sem ekki eru í fylgd með eiganda eða umráðamanni og ómerktir eru, svo og aðrir ómerktir flækingshundar, skulu teknir úr umferð. Gefi eigandi sig ekki fram og eða vitjar hans innan tveggja sólarhringa hefur lögreglan heimild til þess að lóga viðkomandi hundi þegar í stað. Merktir hundar á flækingsi skulu einnig teknir úr umferð. Ef eigandi vitjar hans eigi innan eins sólarhrings og svarar ekki til saka um brot á samþykkt þessari, sé um slíkt að ræða, hefur lögreglan heimild til þess að lóga hundinum án frekari fyrirvara.

Hunda, sem ráðast á menn eða skepnur, skal fjarlægja og lóga þegar í stað. Lögreglustjóri og heilbrigðisnefnd hafi eftirlit með hundum samkvæmt samþykkt þessari og skulu þessir aðilar tilkynna bæjarstjórn án tafar um allar kærur, sem þeim berast vegna meintra brota á samþykktinni.

4. gr.

Ofangreind samþykkt bæjarstjórnar Seyðisfjarðar staðfestist hér með samkv. 1. gr. laga nr. 7 frá 3. febrúar 1953 um hundahald og varnir gegn sullaveiki og lögum nr. 12/1969 um hollustuhætti og heilbrigðiseftirlit til þess að öðlast gildi þegar við birtingu.

Heilbrigðis- og tryggingamálaráðuneytið, 2. október 1977.

F. h. r.

Páll Sigurðsson.

Ingimar Sigurðsson.